

iterum imbuit. Tot autem in hac vrbe templa & facella, quot dies anni Solaris, esse perhibentur: in quibus maximè eminent, si splendorem ædificiorum spectes, Præsulis Basilica, & Cœnobium S. Emerani. Ponte Danubium lapideo iunxisse scribitur Henticus V. Imperator, anno MCXXXV. cui nullus est similis, nec in Danubio, nec in Rheno, pilis & fornicibus altis. Nam veterem illum pontem fornicatum admirandi operis, quem Traianus in nouæ prouinciæ tutelam fecerat, non ita multò post Adrianum demolitum fuisse legimus: ne barbaris pateret aditus ad Mœsias depopulandas. Suburbium vulgus eruditorum *Ripariam* nominat: vbi adhuc Prætorium est Boiorum principis.

IN RATISPONAM VR-
BEM IMPERIALEM
Epigrammata.

N. REVSNERI.

Seu Regni castrum, seu sis Regina vocari
Tot Urbium Germania:
Siue tibi ratium, Rhetorum siue potentum
Placet Latina vox magis:
Seu potius te prisca iuuant data nomina regum,
Quos Roma, quos Boiaria
Patria iam celebrat: quâ sis est pulchrior ora,
Aut frugibus beatior:
Quâ riguis se Danubius fert Noricus Ondis.
Quam te libenter carmine

Car-